

PREMIJENO

Broj: 06-14-2293-6/18
Sarajevo, 14.03.2018. godine

14-03-2018
potpis

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za nabavke („Službeni glasnik BiH“, broj 103/14), člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, Odluke o pokretanju postupka javne nabavke broj 06-14-2293/18 od 05.02.2018. godine, obavještenje o nabavci objavljeno na Portalu javnih nabavki pod brojem: 920-1-1-2-3-1/18 dana 05.02.2018. godine i u „Službenom glasniku BiH“ broj 10/18, Tenderska dokumentacija objavljena na Portalu javnih nabavki dana 05.02.2018. godine, na preporuku Komisije za javne nabavke broj: 06-14-2293-3/18 od 13.03.2018.godine, u postupku javne nabavke: nabavka i isporuka ogrijeva za socijalno najugroženije pripadnike boračke populacije Kantona Sarajevo za 2018. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), Ministar za boračka pitanja Kantona Sarajevo donosi

ODLUKU

o izboru najpovoljnijeg ponuđača za javnu nabavku:

**Nabavka i isporuka ogrijeva za socijalno najugroženije pripadnike boračke populacije
Kantona Sarajevo za 2018. godinu
Otvoreni postupak uz primjenu E-aukcije
JRJN: 03413000-8 Drvo za ogrijev**

Član 1.

Prihvata se preporuka Komisije za javne nabavke broj: 06-14-2293-3/18 od 13.03.2018. godine i ugovor za javnu nabavku: nabavka i isporuka ogrijeva za socijalno najugroženije pripadnike boračke populacije Kantona Sarajevo za 2018. godinu dodjeljuje se ponuđaču „DRVOSJEČA“ d.o.o. Sarajevo, ponuda broj: 06-14-12038/18 za ponuđenu cijenu od 134.998,40 KM bez PDV-a, odnosno 157.936,428 KM sa PDV-om za ukupno 1640 prm grijevnog drveta za pripadnike boračke populacije Kantona Sarajevo za 2018. godinu. Jedinična cijena bez PDV-a po prm ogrijevnog drveta je 82,31 KM.

Član 2.

Prijedlog ugovora o nabavci dostavit će se na potpis izabranom ponuđaču „Drvosječa“ d.o.o. Sarajevo po protoku roka od 15 dana, računajući od dana od kada su ponuđači obaviješteni o izboru najpovoljnijeg ponuđača.





Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo - mbp@ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Komisija za javne nabavke imenovana Odlukom ministra za boračka pitanja Kantona Sarajevo broj: 06-14-2108/18 od 29.01.2018.godine pregledanjem i ocjenom ponuda na ukupno četiri održana sastanka utvrdila je slijedeće:

Postupak javne nabavke: Nabavka i isporuka ogrijeva za socijalno najugroženije pripadnike boračke populacije Kantona Sarajevo za 2018. godinu pokrenut je na osnovu Plana javnih nabavki broj: 06-14-1388-1/18 od 23.01.2018. godine, odnosno 2. Izmjene plana javnih nabavki za 2018. godinu broj: 06-14-1388-3/18 od 05.02.2018. godine, te na osnovu Odluke ministra o pokretanju postupka javne nabavke broj: 06-14-2293/18 od 05.02.2018. godine.

Krajnji rok za dostavljanje ponuda ponuđačima koji su prema instrukciji iz tenderske dokumentacije i obavještenju broj: 920-1-1-2-3-1/18 od 05.02.2018. godine tendersku dokumentaciju bili obavezni preuzeti preko Portala javnih nabavki bio je 28.02.2018. godine od 10.00 sati.

Do navedenog roka pristigle su ukupno 4 ponude i to slijedećih ponuđača:

Broj protokola	Naziv/ime ponuđača (šifra)	Datum i sat prijema
1. 06-14-12037/18	Šumarstvo Ljuta d.o.o.	28.02.2018. u 09.37 sati
2. 06-14-12038/18	Drvosječa d.o.o. Sarajevo	28.02.2018. u 09.40 sati
3. 06-14-12039/18	S.R.C.A. d.o.o. Olovo	28.02.2018. u 09.41 sati
4. 06-14-12041/18	Oganjtransport d.o.o. Sarajevo	28.02.2018. u 09.58 sati

Ponude su dana 28.02.2018. godine otvorene u 10.30 sati na javnom otvaranju ponuda.

Prisutni ponuđači nisu imali primjedbi na tok i način otvaranja ponuda, a što je konstatovano Zapisnikom o otvaranju ponuda broj: 06-14-2293-1/18 od 28.02.2018. godine.

Analizom i ocjenom pristiglih ponuda utvrđeno je da su tri ponuđača dostavila blagovremene ali nepotpune ponude iz slijedećih razloga:





1. Ponuđač Šumarstvo Ljuta d.o.o. Konjic ponuđena cijena 147.436,00 KM bez PDV-a, odnosno 172.500,12 KM sa PDV-om.

Ponuđač Šumarstvo Ljuta d.o.o. Konjic je dostavio blagovremenu ponudu u kojoj je propustio dostaviti Izjavu o ukupnom prometu, a kako je traženo tačkom 3.2.1 pod (a) tenderske dokumentacije.

Nadalje, dostavljen je bilans stanja i uspjeha za 2015. i 2016. godinu, a tačkom 3.2. pod (b) (ekonomska i finansijska sposobnost u skladu sa članom 47. Zakona o javnim nabavkama) i 3.2.1. pod (b) (ocjena ekonomske i finansijske sposobnosti) tenderske dokumentacije, traženo je dostavljanje Izvoda iz poslovnih bilansa za 2016. i 2017. godinu.


Na osnovu naprijed navedenog utvrđeno je da ponuđač Šumarstvo Ljuta d.o.o. Konjic nije ispoštovao uslove iz tenderske dokumentacije, te se s toga ponuda kao takva prema stavu Komisije ne može prihvatiti i neće biti uključena u dalju proceduru.

2. Ponuđač S.R.C.A. d.o.o. Olovo je dostavio blagovremenu ponudu sa ponuđenom cijenom 146.648,40 KM bez PDV-a, odnosno 169.412,00 KM sa PDV-om, koja je nepotpuna jer je uočeno niz nedostataka kako slijedi:

a) uslovi koji su traženi tačkom 3 tenderske dokumentacije koja se odnosi na uslove za kvalifikaciju nisu ispunjeni kako slijedi:

- Izjava koja se odnosi na član 45. Zakona o javnim nabavkama je ovjerena od strane ovlaštenog lica ponuđača, a nije ovjerena od strane nadležnog organa kako je propisano tenderskom dokumentacijom, odnosno prema obrascu koji je propisala Agencija za javne nabavke;
- izjava koja se odnosi na član 52. Zakona o javnim nabavkama je ovjerena od strane ovlaštenog lica ponuđača, a nije ovjerena od strane nadležnog organa kako je traženo tenderskom dokumentacijom, odnosno prema obrascu koji je propisala Agencija za javne nabavke;
- uvjerenje nadležnog suda kojim se dokazuje da u krivičnom postupku nije izečena pravosnažna presuda za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan dostavljena je iz 2016. godine, a traženo je da dostavljena dokumentacija kojom se dokazuju uslovi iz tenderske dokumentacije ne smije biti stariji od tri mjeseca, te pored toga dostavljeno uvjerenje nije izdato od strane nadležnog suda već od suda BiH,
- uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem ili nije predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti ponuđač je dostavio iz perioda 2016. godine, a traženo je da dokumentacija dostavljena kojom se dokazuju uslovi iz tenderske dokumentacije ne smije biti stariji od tri mjeseca;
- nadalje, tačkom 3.2 pod (c) tenderske dokumentacije traženo je da je račun ponuđača solventan u proteklih 6 mjeseci, a što se dokazuje Izvještajem Centralne ili druge ovlaštene banke koja vrši distribuciju podataka pravne osobe iz jedinstvenog registra transakcijskih računa ili drugi ovlašten organ zemlje gdje je ponuđač registrovan, ponuđač je dostavio potvrdu da je račun solventan u protekla 3 mjeseca;





- tačkom 3.3. pod (b) tenderske dokumentacije traženo je ponuđač posjeduje najmanje tri kamiona, a ponuđač je kao dokaz dostavio ovjerene kopije saobraćajnih dozvola za tri kamiona od kojih su dva kamiona u vlasništvu firme Drvosječa d.o.o. Sarajevo.

Tenderskom dokumentacijom traženo je da ponuđači dostave ugovor ili sporazum o poslovno tehničkoj saradnji i aktuelni izvod iz sudskog registra za pravno lice sa kojim je ugovor sklopljen, ne stariji od 3 mjeseca. Ponuđač S.R.C.A. do.o. Olovo nije dostavio ovu vrstu dokaza;

- tačkom 3.3. pod (c) tenderske dokumentacije traženo je da ponuđač dostavi kopije saobraćajne dozvole za radnu mašinu za utovar kojom raspolaže ili ovjerenu kopiju ugovora o poslovno-tehničkoj saradnji sa pravnim licima koja raspolažu sa utovarnom mašinom. Ukoliko se dostavlja ugovor o poslovno-tehničkoj saradnji potrebno je, pored kopija saobraćajne dozvole, dostaviti i aktuelni izvod iz sudskog registra za pravno lice sa kojim je ugovor sklopljen, ne stariji od 3 mjeseca;

Međutim ponuđač je dostavio ugovor za radnu mašinu sa firmom Sela d.o.o. Sarajevo, ali je propustio dostaviti ovjerenu kopiju saobraćajne dozvole za istu kao i aktuelni izvod iz sudskog registra za firmu Sela d.o.o. Sarajevo.

Nadalje, ponuđač je propustio dostaviti certifikat za baždarenost RAM mašine;

-tačkom 3.3. po (f) traženo je uredno izvršenje najmanje 2 (dva) ugovora koji se odnose na nabavku i isporuku ogrijeva u prethodne 2 (dvije) godine. Ponuđač je dostavio tri ovjerene kopije potvrda od kojih se dvije odnose na firmu Ogrijev d.o.o. Sarajevo

Ponuđač je propustio dostaviti rješenje nadležne institucije o razvrstavanju po djelatnostima (Statistika) sa naznačenom osnovnom djelatnošću, a kako je propisano tačkom 3.3.1 pod (g) tenderske dokumentacije.

Nadalje, garancija za ozbiljnost ponude nije popunjena i dostavljena na način kako je propisano tačkama od 5.4 do 5.4.5 tenderske dokumentacije.

Ponuđač je takođe propustio dostaviti garanciju za kvalitet robe.

Na osnovu naprijed navedenog utvrđeno je da ponuđač S.R.C.A. d.o.o. Olovo nije ispoštovao uslove iz tenderske dokumentacije, te se s toga ponuda kao takva prema stavu Komisije ne može prihvatiti i neće biti uključena u dalju proceduru.

3. Ponuđač Oganjtransport d.o.o. Sarajevo - ponudena cijena 124.754,8 KM bez PDV-a, odnosno 145.963,12 sa PDV-om - je dostavio nepotpunu ponudu, odnosno u ponudi je dostavljen samo originalni primjerak obrasca za cijenu ponude.


S tim u vezi Komisija je ocijenila da se ponuda kao takva ne može ocijeniti jer nije dostavljen niti jedan drugi dokument na osnovu kojeg bi ponuđač učestvovao u daljoj proceduri javne nabavke.

4. Ponuđač Drvosječa d.o.o. Sarajevo dostavio je blagovremenu i potpunu ponudu sa ponuđenom cijenom 134.998,40 KM bez PDV-a, odnosno 157.936,428 KM sa PDV-om.

Prilikom ocjene ponuda utvrđena računsa greška u ukupnom iznosu sa PDV-om. Po odredbama Zakona o javnim nabavkama ponuđaču Drvosječa d.o.o. Sarajevo upućena instrukcija o ispravci greške. Ponuđač dostavio saglasnost na ispravku računsa greške.

Naime, u ponudi ponuđača je naveden pogrešan ukupan iznos sa PDV-om 157.932,00 KM, a ispravljeni ukupan iznos sa PDV-om je 157.936,428 KM.





Ponudač je u ponudi dostavio kompletnu dokumentaciju, te je između ostalog dostavio i dokaze o preferencijalnom tretmanu domaćeg, a kako je definisano tačkom 8.14 tenderske dokumentacije.

Za navedenu javnu nabavku planirano je provođenje E-aukcije u skladu sa Pravilnikom o uslovima i načinu korištenja E-aukcijue („Službeni glasnik BiH, broj 66/16), međutim pošto je pristigla samo jedna ponuda koja je iz gore navedenih razloga prihvatljiva, postupiće se u skladu sa članom 3. stav 3. Pravilnika o uslovima i načinu korištenja E-Aukcije i postupak će se okončati u skladu sa članom 69. stav 1. tačka (a) Zakona o javnim nabavkama BiH („Službeni glasnik BiH“, broj 39/14).

Prema zapisnicima, preporuci i izvještaju dostavljenom od strane Komisije za javne nabavke ocijenjeno je da je kompletan postupak i izbor ponuđača „**Drvosječa**“ **d.o.o. Sarajevo** izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te člana 46. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.



Dostaviti:

1. Ponuđačima x 4;
2. Evidenciji;
3. a/a.

